



TURISTIČKA ORGANIZACIJA BRČKO DISTRIKTA BiH
Trg mladih br. 6, Brčko, Brčko distrikt, JIB: 4600517040004

ТУРИСТИЧКА ОРГАНИЗАЦИЈА БРЧКО ДИСТРИКТА БИХ
Трг младих бр. 6, Брчко, Брчко дистрикт, ЈИБ: 4600517040004

STATUT
Turističke organizacije Brčko distrikta
Bosne i Hercegovine

Brčko, 20.04.2023. godine

Na osnovu člana 11. Zakona o pravnim licima koje osniva Brčko distrikt ("Službeni glasnik Brčko distrikta BiH", broj: 10/02, 19/02, 02/08, 03/19, 30/20 i 30/22), člana 14. Odluke o osnivanju Turističke organizacije Brčko distrikta BiH, broj: 02-000227/22, broj akta: 01.11-0377MB-008/22 od 24.11.2022. godine, te na osnovu člana 17. Poslovnika o radu Upravnog odbora Turističke organizacije Brčko distrikta Bosne i Hercegovine, Upravni odbor Turističke organizacije Brčko distrikta Bosne i Hercegovine (u daljem tekstu: Upravni odbor), na svojoj 3.-oj sjednici, održanoj dana 20.04.2023. godine, donosi:

STATUT

Turističke organizacije Brčko distrikta Bosne i Hercegovine

DIO PRVI – OPŠTE ODREDBE

Član 1.

Predmet

(1) Statutom Turističke organizacije Brčko distrikta Bosne i Hercegovine (u daljem tekstu: Turističke organizacije Distrikta) bliže se određuje naziv, sjedište i pečat Turističke organizacije Brčko distrikta Bosne i Hercegovine, odgovornost u pravnom prometu, unutrašnja organizacija, zastupanje i predstavljanje, djelatnosti koje obavlja Turistička organizacija Brčko distrikta Bosne i Hercegovine, osnivački ulog, osnovni kapital, finansiranje, fond rezerve, način pokrića gubitaka, poslovne knjige, donošenje opštih i pojedinačnih akata Turističke organizacije Brčko distrikta Bosne i Hercegovine, prava zaposlenih, zabrana konkurencije, prava Osnivača, prestanak rada Turističke organizacije Brčko distrikta Bosne i Hercegovine i druga važna pitanja.

(3) Prava Osnivača ostvaruje Vlada Brčko distrikta Bosne i Hercegovine.

Član 2.

Osnovne odredbe

(1) Turistička organizacija Distrikta se osniva Odlukom Vlade Brčko distrikta Bosne i Hercegovine, na osnovu Statuta Brčko distrikta Bosne i Hercegovine, Zakona o Vladi Brčko distrikta Bosne i Hercegovine, Zakona o pravnim licima koje osniva Brčko distrikt Bosne i Hercegovine i Zakona o javnoj upravi Brčko distrikta Bosne i Hercegovine, na prijedlog Kancelarije gradonačelnika, radi pružanja usluga i unapređenja u oblasti turizma, odnosno zadovoljavanja općih i javnih potreba građana i institucija Distrikta u vezi sa turizmom Brčko

distrikta Bosne i Hercegovine s ciljem turističke promocije Brčko distrikta Bosne i Hercegovine.

- (2) Turistička organizacija Distrikta se osniva kao pravno lice koje osniva Brčko distrikt Bosne i Hercegovine.

Član 3.

Javnost i transparentnost rada

- (1) Rad Turističke organizacije Distrikta je javan.
- (2) Turistička organizacija Distrikta je dužna da informacije o svojoj finansijskoj i organizacionoj strukturi učini dostupnim javnosti, posredstvom internet stranice Turističke organizacije Distrikta ili na drugi adekvatan način.

Član 4.

Principi rada

- (1) Obavljanje djelatnosti Turističke organizacije Distrikta se zasniva na sljedećim principima:
 - a) jednakom tretmanu i slobodi osnivanja i pružanja usluga,
 - b) transparentnosti,
 - c) zabrani sporazuma poslovnih subjekata koji imaju za posljedicu sprečavanje, ograničavanje ili narušavanje konkurencije na tržištu,
 - d) zabrani zloupotrebe dominantnog položaja,
 - e) nadziranju pomoći koju dodjeljuju davaoci državne pomoći davanjem povlastica određenim preduzećima ili proizvodnji određene robe, radi izbjegavanja narušavanja konkurencije,
 - f) preventivnom nadziranju objedinjavanja poslovnih subjekata,
 - g) liberalizaciji određenih djelatnosti od opšteg interesa radi sprečavanja razvoja monopolističkih tendencija,
 - h) osiguranju transparentnosti finansijskih odnosa između Brčko distrikta Bosne i Hercegovine i Turističke organizacije Distrikta,
 - i) vođenju zasebnih računa, na način da se jasno razgraniče troškovi i prihodi povezani s različitim djelatnostima.

II - NAZIV, SJEDIŠTE, PEČAT, ŠTAMBILJ I ODGOVORNOST

Član 5.

Naziv

- (1) Turistička organizacija Distrikta radi pod nazivom: Turistička organizacija Brčko distrikta Bosne i Hercegovine.
- (2) Skraćeni naziv Turističke organizacije Brčko distrikta Bosne i Hercegovine glasi: Turistička organizacija Distrikta.

Član 6. **Sjedište**

- (1) Sjedište Turističke organizacije Distrikta je u Brčkom, na adresi Trg mladih broj 6.
- (2) Turistička organizacija Distrikta može promijeniti sjedište i naziv odlukom Osnivača.

Član 7.

Svi akti u službenoj komunikaciji Turističke organizacije Distrikta treba da sadrže:

- a) puni naziv i adresu sjedišta Turističke organizacije Distrikta,
- b) broj računa sa naznakom poslovne banke kod koje Turistička organizacija Distrikta drži račun(e),
- c) jedinstveni identifikacioni broj,
- d) po potrebi i druge podatke.

Član 8. **Pečat i štambilj**

- (1) Turistička organizacija Distrikta ima svoj pečat.
- (2) Pečat je okruglog oblika, prečnika 40 mm i sadrži tekst sa potpunim nazivom Turističke organizacije Distrikta, ispisan na latinici i ćirilici.
- (3) Štambilj služi za ovjeru prijema akata, pravougaonog je oblika i sadrži naziv Turističke organizacije Distrikta ispisan latiničnim i ćirilicnim pismom, prostor za upisivanje broja predmeta i datum zavođenja prijemnog akta u djelovodni protokol.
- (4) Pečat i štambilj čuva Direktor ili osoba koju on zaduži.
- (5) Način upotrebe, čuvanje i broj pečata i štambilja utvrđuje se posebnim opštim aktom Turističke organizacije Distrikta.

Član 9. **Odgovornost u pravnom prometu**

- (1) Turistička organizacija Distrikta je pravno lice i ima pravo da u pravnom prometu zaključuje ugovore i vrši druge pravne radnje u okviru svoje pravne i poslovne sposobnosti.
- (2) Turistička organizacija Distrikta za svoje obaveze u pravnom prometu odgovara svojom cjelokupnom imovinom.
- (3) Vlada Brčko distrikta BiH kao osnivač odgovara za obaveze samo do visine svog osnivačkog uloga.

III - DJELATNOST

Član 10. **Djelatnost**

- (1) Djelatnost Turističke organizacije Distrikta je upisana u registar preduzeća Osnovnog suda Brčko distrikta Bosne i Hercegovine shodno standardnoj klasifikaciji djelatnosti utvrđenoj Zakonom o klasifikaciji djelatnosti, kako slijedi:
- a) - 73.11 - organizovanje turističke, informativno-propagandne djelatnosti kao i manifestacija od interesa za unapređenje turizma distrikta,
 - b) - 73.20 - dnevno prikupljanje, nedeljna i mjesečna obrada podataka o turističkom prometu na području distrikta, te prikupljanje i obrada svih drugih pokazatelja bitnih za praćenje izvršenja postavljenih ciljeva i zadataka;
 - c) - 82.30 - organizovanje kongresa i drugih oblika poslovnog turizma,
 - d) - 58.11 - izdavanje knjiga,
 - e) - 58.14 - izdavanje časopisa i periodičnih publikacija,
 - f) - 58.19 - ostala izdavačka djelatnost,
 - g) - 59.20 - djelatnosti snimanja zvučnih i video zapisa,
 - h) - 46.18 - posredovanje u trgovini specijalizovanoj za određene proizvode ili grupe ostalih proizvoda,
 - i) - 46.19 - posredovanje u trgovini raznovrsnim proizvodima,
 - j) - 62.01 - računarsko programiranje,
 - k) - 63.11 - obrada podataka, hosting i pripadajuće djelatnosti,
 - l) - 63.12 - internetski portali,
 - m) - 63.99 - ostale informacione uslužne djelatnosti,
 - n) - 68.20 - iznajmljivanje i poslovanje sopstvenim nekretninama ilinekretninama uzetim pod zakup (lizing),
 - o) - 70.21 - odnosi s javnošću i djelatnosti saopštavanja informacija,
 - p) - 70.22 - savjetovanje koje se odnosi na poslovanje i ostalo upravljanje,
 - r) - 73.11 - agencijski poslovi za reklamu i propagandu,
 - s) - 73.20 - istraživanje tržišta i ispitivanje javnog mijenja,
 - t) - 74.20 - fotografske djelatnosti,
 - u) - 74.30 - djelatnosti prevodilaca i tumača,
 - v) - 77.21 - iznajmljivanje i davanje u zakup (lizing) opreme za rekreaciju i sport,
 - z) - 79.90 - ostale rezervacijske usluge i pripadajuće djelatnosti,

ž) -82.30 - organizacija sastanaka i poslovnih sajмова,

w) - obavljanje i drugih poslova i radnji od interesa za promociju i razvoj turizma na području distrikta u skladu sa Zakonom i Statutom.

(2) Turistička organizacija Distrikta može da zaključuje ugovore i obavlja i druge poslove prometa roba i usluga samo u okviru djelatnosti upisanih u sudski registar.

(3) Turistička organizacija Distrikta može, bez upisa u sudski registra, da obavlja i druge djelatnosti, u manjem obimu, koje služe djelatnosti koja je upisana u registar, a koje se uobičajeno obavljaju uz te djelatnosti.

IV – UNUTRAŠNJA ORGANIZACIJA, ORGANI UPRAVLJANJA, UPRAVNI ODBOR, DIREKTOR

Član 11.

Unutrašnja organizacija

(1) Turistička organizacija Distrikta je organizovana jedinstveno, a svoju djelatnost obavlja u sjedištu Turističke organizacije Distrikta.

(2) Upravni odbor Turističke organizacije Distrikta pravilnikom o unutrašnjoj organizaciji i sistematizaciji radnih mjesta, uz saglasnost Osnivača, uređuje unutrašnju organizaciju i sistematizaciju radnih mjesta u Turističkoj organizaciji Distrikta.

Član 12.

Organi upravljanja i rukovođenja

(1) Turistička organizacija Distrikta ima Upravni odbor i direktora kao organe upravljanja i rukovođenja.

(2) Turističkom organizacijom Distrikta upravlja Upravni odbor.

(3) Turističkom organizacijom Distrikta rukovodi direktor.

Član 13.

Upravni odbor

(1) Sastav, uslovi, kvalifikacije, način izbora i razrješenja članova Upravnog odbora definisani su Zakonom o pravnim licima koje osniva Brčko distrikt Bosne i Hercegovine.

Član 14.

(1) Upravni odbor uz saglasnost Osnivača:

a) donosi statut Turističke organizacije Distrikta,

- b) donosi godišnji poslovni plan,
 - c) donosi dugoročni plan razvoja,
 - d) donosi odluku o statusnim promjenama Turističke organizacije Distrikta,
 - e) odlučuje o unutrašnjoj organizaciji i sistematizaciji radnih mjesta,
 - f) odlučuje o povećanju i smanjenju kapitala,
 - g) imenuje, razrješava direktora i vršioca dužnosti direktora i potpisuje Ugovor o radu sa direktorom,
 - h) vrši izbor i odobrava ugovor zaključen sa eksternim revizorom,
 - i) donosi pravilnike, upustva, poslovnike, kodekse, planove i druge pozakonske akte u vezi sa radom Turističke organizacije Distrikta,
 - j) donosi izmjene i dopune navedenih akata.
- (2) Za donošenje internih akata Turističke organizacije Distrikta nije potrebna saglasnost Osnivača.
- (3) Upravni odbor predstavlja Predsjednik u skladu sa Poslovnikom o radu Upravnog odbora.
- (4) Članovi Upravnog odbora imaju pravo na naknadu za rad, iz sredstava Turističke organizacije Distrikta, u visini prosječne neto plate isplaćene u Brčko distriktu BiH za prethodnu godinu.
- (5) Predsjedniku Upravnog odbora mjesečna naknada za rad se uvećava za 20%.
- (6) Način rada i funkcionisanje Upravnog odbora je definisan Poslovnikom o radu Upravnog odbora Turističke organizacije Distrikta.

Član 15.

Zastupanje i predstavljanje

- (1) Direktor rukovodi i predstavlja Turističku organizaciju Distrikta, a imenuje se i razrješava u skladu sa Zakonom o pravnim licima koje osniva Brčko distrikta BiH.
- (2) Direktor se imenuje na period od četiri godine, uz mogućnost ponovnog imenovanja, s tim da isto lice ne može biti imenovano više od dva puta uzastopno.
- (3) Postupak izbora direktora mora biti okončan prije isteka mandata dotadašnjeg direktora.
- (4) Direktor ima slijedeća ovlaštenja rukovođenja:
 - a) organizuje rad i vodi poslove Turističke organizacije Distrikta,
 - b) predlaže programe rada i preduzima mjere za njihovo sprovođenje,
 - c) zastupa i predstavlja Turističku organizaciju Distrikta,
 - d) odgovara za zakonitost rada i finansijsko upravljanje Turističke organizacije Distrikta,
 - e) donosi pojedinačne akte potrebne za nesmetan, redovan rad Turističke organizacije Distrikta i kojima se odlučuje o pravima i obavezama zaposlenika Turističke organizacije Distrikta, u skladu sa važećim Zakonom o radu Brčko distrikta BiH i opštim aktima Turističke organizacije Distrikta,
 - f) zaključuje poslovne ugovore u ime Turističke organizacije Distrikta,
 - g) zaključuje ugovore o radu i donosi akte o razrješenju zaposlenika,
 - h) izvršava odluke Upravnog odbora,
 - i) izvještava Osnivača o sprovođenju planova minimalno dva puta godišnje,

- j) obavlja druge poslove iz svog djelokruga u interesu Turističke organizacije Distrikta i vodi poslove iz svog djelokruga s pažnjom dobrog privrednika u skladu sa zakonom, podzakonskim aktima i pravilnicima.
- (4) Za direktora može biti imenovano lice koje ima:
- a) državljanstvo Bosne i Hercegovine
 - b) najmanje visoku stručnu spremu
 - c) najmanje 5 godina radnog iskustva nakon sticanja visoke stručne spreme.
- (5) Za direktora ne može biti imenovano lice koje je pravosnažnom sudskom presudom osuđeno za vršenje krivičnih djela i lice protiv kojeg se vodi krivični postupak, osim krivičnih djela iz oblasti saobraćaja.

Član 16.

Direktor može u okviru svojih ovlaštenja dati drugom licu pismenu punomoć za zastupanje Turističke organizacije Distrikta, uz saglasnost Upravnog odbora.

Član 17.

Direktor je dužan svoje obaveze i odgovornosti izvršavati profesionalno i savjesno, u skladu sa zakonom, osnivačkim aktom, statutom, odlukama Upravnog odbora i ugovorom o radu zaključenim sa Upravnim odborom.

Imenovanje vršioca dužnosti Direktora

Član 18.

- (1) Upravni odbor imenuje vršioca dužnosti direktora do imenovanja novog direktora, a najduže na period do 6 (šest) mjeseci, u slučaju:
- a) ostavke,
 - b) smrti,
 - c) razrješenja direktora s dužnosti prije isteka perioda na koji je direktor imenovan,
 - d) u drugim slučajevima predviđenim zakonom.
- (2) Rok iz stava (1) ovog člana izuzetno se može produžiti do izbora direktora Turističke organizacije Distrikta.
- (2) Vršilac dužnosti direktora iz stava (1) ovog člana mora ispunjavati uslove propisane za direktora Turističke organizacije Distrikta.
- (3) Vršilac dužnosti direktora ima sva prava i obaveze koje ima direktor.

IV - OSNIVAČKI ULOG, FINANSIRANJE, OSNOVNI KAPITAL, REZERVE, DOBIT I GUBICI

Član 19.

Osnivački ulog

- (1) Osnivački ulog Turističke organizacije Distrikta u novcu iznosi 5.000,00 KM.
- (2) Osnivački ulog se uplaćuje na račun Turističke organizacije Distrikta kod poslovne banke.
- (3) Pored osnivačkog uloga, ulozi u stvarima i pravima sastoje se od:
 - a) prava svojine na pokretnim stvarima,
 - b) novčanih sredstava ostvarenih vršenjem registrovane djelatnosti,
 - c) javnih sredstava iz budžeta Brčko distrikta Bosne i Hercegovine, entiteta i Bosne i Hercegovine,
 - d) sredstava iz donacija, dotacija, grantova ili kredita.

Član 20.

Izvori i način finansiranja

Turistička organizacija Distrikta se finansira iz slijedećih izvora:

- a) prihoda od obavljanja djelatnosti,
- b) prihoda od naplate boravišnih taksi,
- c) javnih sredstava iz budžeta Brčko distrikta Bosne i Hercegovine, entiteta i Bosne i Hercegovine,
- d) sredstava iz donacija, dotacija, grantova ili kredita.
- e) drugih zakonom dozvoljenih izvora.

Član 21.

Osnovni kapital

- 1) Osnovni kapital Turističke organizacije Distrikta u toku poslovne godine može se povećati odnosno smanjiti, uz saglasnost Osnivača.
- 2) Smanjenje osnovnog kapitala Turističke organizacije Distrikta ne može se vršiti ispod iznosa minimalnog osnivačkog kapitala koji je određen zakonom i ovim aktom.
- 3) Povećanje osnovnog kapitala Turističke organizacije Distrikta može se vršiti iz obaveznih rezervi Turističke organizacije Distrikta ukoliko Turistička organizacija Distrikta za posljednju poslovnu godinu nema nepokrivenih gubitaka.

Član 22.

Obavezne rezerve

- (1) Turistička organizacija Distrikta je dužna da formira fond obavezne rezerve, ukoliko posluje sa dobitkom.
- (2) Fond obavezne rezerve formira se iz dobiti Turističke organizacije Distrikta koju je Turistička organizacija Distrikta ostvarila prema završnom računu.
- (3) Sredstva iz obaveznih rezervi koriste se za pokrivanje gubitaka, a za druge nepredviđene troškove obavezne rezerve mogu se koristiti samo uz saglasnost Osnivača.

Član 23.

Iznos obaveznih rezervi i rokovi formiranja obaveznih rezervi

Obavezne rezerve Turističke organizacije Distrikta iznose 10% od dobiti po usvajanju završnog računa.

Član 24.

Dobit i gubici

(1) Neto dobit Turističke organizacije Distrikta planira se za finansiranje usluga i unapređenja u oblasti turizma, odnosno zadovoljavanje općih i javnih potreba građana Brčko distrikta Bosne i Hercegovine u vezi sa turizmom Brčko distrikta Bosne i Hercegovine u narednoj finansijskoj godini.

(2) Utvrđivanje prihoda, rashoda i rezultata poslovanja vrši se polugodišnjim i godišnjim obračunom, u skladu sa važećim propisima.

(3) Odluku o utvrđivanju i raspoređivanju dobiti, odnosno pokriću gubitka donosi Upravni odbor Turističke organizacije Distrikta uz saglasnost Osnivača, nakon usvajanja godišnjeg obračuna, u skladu sa zakonom i odredbama ovog Statuta.

(4) Neto dobit se ne može raspoređivati zaposlenima i direktoru.

Član 25.

Raspoređivanje dobiti

(1) Prijedlog odluke o raspoređivanju dobiti priprema direktor Turističke organizacije Distrikta.

(2) Prilikom pripreme prijedloga za raspoređivanje dobiti vodi se računa o slijedećim prioritetima:

- a) pokriću gubitka iz prethodnih godina,
- b) prioritetima i potrebama tekućeg poslovanja,
- c) investicijama,
- d) poboljšanju materijalnog položaja zaposlenih.

Član 26.

Pokriće gubitka

(1) Prijedlog odluke o pokriću gubitka poslovanja priprema direktor.

(2) Ukoliko Turistička Organizacija Distrikta na kraju godine iskaže gubitak, isti se može pokriti:

- a) iz obaveznih rezervi,
- b) smanjenjem osnovnog kapitala, ali ne ispod zakonom i ovim aktom propisanog minimuma,
- c) na druge načine utvrđene posebnim zakonom.

Član 27.

- (1) U slučaju kada se u finansijskom izvještaju iskaže višak prihoda nad rashodima, isti se knjiži na neraspoređeni višak prihoda i rashoda.
- (2) U slučaju kada se u finansijskom izvještaju iskaže višak rashoda nad приходima, isti se knjiži na potraživanja po osnovu viška rashoda, a Upravni odbor Turističke organizacije Distrikta u idućoj godini donosi odluku kojom se potraživanja po osnovu viška rashoda pokrivaju na teret neraspoređenog viška prihoda i rashodima.
- (3) U slučaju da je neraspoređeni višak prihoda i rashoda manji od potraživanja po osnovu viška rashoda u izvještajnoj godini, razliku uplaćuje Osnivač.

Član 28. **Korištenje sredstava**

- (1) Direktor potpisuje naloge banci o korištenju sredstava.
- (2) Direktor odgovara za:
 - a) zakonitost rada i finansijsko upravljanje Turističke organizacije Distrikta,
 - b) samostalno raspoložbe sredstvima predviđenim za režijske troškove, plate zaposlenih i naknade članovima Upravnog odbora Turističke organizacije Distrikta,
 - c) potpisuje naloge banci o korištenju sredstava za sva sredstva planirana važećim planovima u iznosu do 6.000,00 KM bez PDV-a, a preko ovog iznosa, uz saglasnost Upravnog odbora, izuzev računa koji se odnose na režijske troškove, plate zaposlenih i naknade članovima Upravnog odbora.
 - e) priprema kvartalne finansijske izvještaje i godišnje izvještaje o radu i prezentaciju istih Upravnom odboru.

VI – POSLOVNE KNJIGE, PLANOVI I RAČUNOVODSTVENI IZVJEŠTAJI

Član 29. **Poslovne knjige i evidencije**

- (1) Turistička organizacija Distrikta je dužna imati i voditi poslovne knjige i pripremati računovodstvene izvještaje u skladu sa zakonom i međunarodnim računovodstvenim i revizijskim standardima.
- (2) Poslovne knjige Turističke organizacije Distrikta su predmet eksterne revizije.

Član 30. **Poslovni i finansijski planovi**

Turistička organizacija Distrikta usklađuje svoju razvojnu i poslovnu politiku, kao i finansijske planove sa izvorima finansiranja.

Član 31. **Kratkoročni krediti**

(1) Za izmirenje tekućih obaveza, Turistička organizacija Distrikta može u toku poslovne godine uzimati kratkoročne kredite od poslovnih banaka.

(2) Odluku o kreditnom zaduženju donosi Upravni odbor, uz saglasnost Osnivača.

(3) Kredit iz stava (1) ovog člana ne može se uzimati po kamatnoj stopi koja je iznad tržišnih uslova.

VI – OPŠTI AKTI

Član 32.

Opšti akti

(1) Opšti akti Turističke organizacije Distrikta su: statut, pravilnik, kodeks i plan.

(2) Opšte akte Turističke organizacije Distrikta donosi Upravni odbor uz saglasnost Osnivača.

Član 33.

Donošenje Statuta i drugih akata

(1) Statut Turističke organizacije Distrikta donosi Upravni odbor, većinom glasova od ukupnog broja članova Upravnog odbora, a potpisuje predsjednik Upravnog odbora uz prethodnu saglasnost Osnivača.

(2) Izmjene i dopune Statuta vrše se u skladu sa odredbama za njegovo donošenje.

(3) Opšti akti stupaju na snagu narednog dana nakon njihovog objavljivanja, osim Pravilnika o radu koji stupa na snagu osmog dana od dana objavljivanja.

(4) Izuzetno, od odredaba prethodnog stava, pojedini opšti akti mogu stupiti na snagu danom donošenja, ako priroda pitanja koje se uređuje ili hitnost rješavanja određenog pitanja to zahtjeva.

(5) Objavljivanje opštih akata vrši se na web stranici i na oglasnoj tabli u sjedištu Turističke organizacije Distrikta.

Član 34.

Prava zaposlenih

(1) Zaposleni u Turističkoj organizaciji Distrikta imaju prava, obaveze i odgovornosti utvđene Zakonom o radu, Pravilnikom o radu, ugovorom o radu i drugim relevantnim propisima.

(2) Zaposleni mogu organizovati Sindikat u skladu sa zakonom, te ostvariti zaštitu svojih prava putem organizacije Sindikata.

(3) Štrajk u Turističkoj organizaciji Distrikta može se organizirati u skladu sa Zakonom o štrajku.

Član 35.

Etički kodeks

Etički kodeks Turističke organizacije Distrikta sadrži najmanje pravila o konfliktu interesa, poverljivosti, fer postupanju, zaštiti i ispravnoj upotrebi sredstava Turističke organizacije Distrikta, postupanju u skladu sa važećim aktima Turističke organizacije Distrikta, prijavljivanje nezakonitosti ili neetičnosti.

VIII – IZVJEŠTAJ O RADU I NADZOR NAD RADOM

Član 36.

Dostavljanje izvještaja o radu

Turistička organizacija Distrikta dostavlja izvještaj o radu Osnivaču najmanje jednom godišnje, najkasnije do kraja prvog kvartala kalendarske godine za koju se usvaja.

Član 37.

Nadzor nad radom

Nadzor nad radom Turističke organizacije Distrikta i provođenju opštih akata obavlja Upravni odbor i Osnivač.

XIX – ARHIVA

Član 38.

Čuvanje dokumentacije koja nastaje u radu Turističke organizacije Distrikta, uključujući zapisnike Upravnog odbora, evidencije o prisustvu i glasanju, obavještenja i pozive za sjednicu Upravnog odbora, bit će regulisano Pravilnikom o kancelarijskom i arhivskom poslovanju.

XX – PRESTANAK RADA

Član 39.

Prestanak rada

- (1) Turistička organizacija Distrikta se osniva na neodređeno vrijeme.
- (2) Turistička organizacija Distrikta može prestati sa radom ako tako odluči Osnivač i u slučaju zakonskih razloga za prestanak.

Član 40.

Turistička organizacija Distrikta prestaje sa radom brisanjem iz registra nadležnog suda.

XXI - PRELAZNE I ZAVRŠNE ODREDBE

Član 41.
Primjena propisa

Na pitanja koja nisu regulisana ovim Statutom primjenjuju se odredbe Zakona o pravnim licima koje osniva Brčko distrikt Bosne i Hercegovine.

Član 42.
Izmjene i dopune

Izmjene i dopune Statuta vrše se na isti način i po postupku njegovog donošenja.

Član 43.
Stupanje na snagu

Ovaj Statut stupa na snagu danom davanja saglasnosti Osnivača i objavit će se na web stranici i oglasnoj tabli u sjedištu Turističke organizacije Distrikta.

Predsjednik Upravnog odbora:

Broj: 02-3 /23
Brčko, 20.04.2023. godine

